

大慧普覺禪師住徑山能仁禪院語錄卷第

四

徑山能仁禪院住持嗣法慧日禪師臣聽聞上進

上堂僧問壁立萬仞還許商量也無說四師云壁立萬仞不許商量進云也知和尚赤心片片

師云既知更問箇甚麼進云恁麼則真箇壁立萬仞去也師云喫飯咬著一粒沙進云若然者却許學人進前三步也師云你不會却退後三步始得乃云摩竭提國猶在半途少室峯前全無巴鼻談玄說妙好肉剜瘡舉古

明今拋沙撒土爭似饑餐渴飲閑坐困眠從教四序推移都不干預我事雖然如是也須實到這箇田地始得只如實到這箇田地底如何親近喝一喝云灸瘡癩上不可更著艾炷去也

上堂舉南泉示衆云文殊普賢昨夜三更相打每人與二十棒趁出院也趙州出衆云和尚棒教誰喫泉云王老師過在甚處州乃作禮師云南泉無過口能招禍趙州禮拜草賊大敗徑山不管結案據欵文殊普賢且過一

邊

上堂僧問今佛放光明助發實相義如何是
放底光明師云你喫粥來麼進云學人已喫
粥了也師云還見麼進云未審還當得也無
師云元來不見乃云今佛放光明助發實相
義拈起拄杖云過去諸佛現在諸佛未來諸
佛盡在徑山拄杖頭上同時放大光明照十
方法界直得山河大地萬象森羅一時稽首
作麼生是實相義卓一下云向下丈長付在
來日

上堂舉僧問同安如何是和尚家風安云金
雞抱子歸霄漢玉免懷胎向紫微僧云心遇
客來將何祗待安云金果早朝猿摘去玉華
晚後鳳銜來師云同安家風不妨奇怪徑山
家風又且不然或有人問如何是和尚家風
即向佗道齋時一鉢和羅飯禪道是非都不
知忽遇客來將何祗待蒸餅不托說
解夏上堂拈拄杖云百二十日夏日日無空
缺露柱逞神通燈籠呈醜拙徹不徹却來棒
頭爲汝決卓一下

上堂僧問心佛俱亡時如何師云賣扇老婆手遮日乃云心佛不云物我一如若實得一如則不見有物我之名若實得不二則不見有心佛之相既不見有心佛之相則全心即佛全佛即心既不見有物我之名則全物即我全我即物苟於日用二六時中如是證入則若心若佛若我若物七顛八倒悉得受用便能拈一莖草作文六金身將丈六金身却作一莖草直饒如是切忌向徑山門下過推你腰莫言不道

上堂舉教云更以異方便助顯第一義師拈拄杖卓一下云這箇是異方便那箇是第一義擲下云大蟲裏紙帽好笑又驚人

上堂舉鏡清問玄沙學人乍入叢林乞師指箇入路沙云還聞偃谿水聲麼清云聞沙云從這裏入鏡清第四於此得箇入處五祖師翁云果是得入一任四方八面若也未然輒不得離却這裏師云若要真箇得入直須離却這裏下座

雙槐居士鄭禹功爲佛燈禪師入塔請陞座

沿流不止問如何真照無邊說似佗離相離名人不稟吹毛用了急須磨佛燈法兄禪師二十年持此吹毛活人天眼離相離名揩邪顯正橫拈倒用不犯鋒鎗一周佛事已圓直是光前絕後乃顧視大衆云今日一會正是佛燈禪師再秉吹毛爲諸人入泥入水全提時節還有知恩者麼若有功不浪施其或未然徑山不免葛藤更舉一箇古詰昔日踈山和尚造壽塔了監院來白踈山山問你將多少錢與匠人監院云一切在和尚踈山云爲

將三錢與佗爲將兩錢與佗爲將一錢與佗若道得與吾親造塔監院無對時羅山和尚在大嶺住菴監院到彼羅山問甚處來監院云踈山來羅山云近日有何言句監院遂舉前詰山云還有人道得麼院云未有人道得山云你却回舉似踈山道大嶺聞舉云若將三文錢與匠人和尚此生決定不得塔若將兩文錢與匠人和尚與匠人共出一隻手若將一文錢與匠人帶累匠人眉鬚墮落監院回舉似踈山山便具威儀望大嶺禮拜歎云

將爲無人大嶺有古佛放光射我此間却謂
監院曰汝去向大嶺道猶如臘月蓮華監院
復持此語舉似羅山山曰早已龜毛長數丈
師云諸人還知二老落處麼其或未然徑山
今日將古人今人攬成一塊去也踰山一丈
兩丈三丈
雙槐居士
跋
湊成二百千已爲佛燈
陳謝匠人了也免致溢監院走來走去問佗
別人臘月蓮華一朵甚是希奇佛燈禪師收
歸窣堵波中要作叢林標格龜毛數丈分付
天井禪師隨時受用敢問大衆且道徑山還

在裏許也無良父云數聲清磬是非外一箇
閑人天地間

上堂僧問有佛處不得住時如何師云住則
操根進云無佛處急走過時如何師云起動
闍黎進云教學人向甚麼處行履師云脫却
籠頭卸却角駛進云三千里外逢人不得錯
舉時如何師云錯錯問一百二十日夏已滿
出門或有人問如何是徑山道底且作麼生
答佗師云徑山曾道甚麼來進云爭奈喚作
竹篦則觸不喚作竹篦則背師云你作麼生

會僧喝一喝云三十年後大有人笑在師云
何必三十年後即今大有人笑你乃云尋常
向你諸人道喚作竹篦則觸不喚作竹篦則
背不得向舉起處承當不得向意根下卜度五
不得下語不得良久或有人問畢竟如何向
佗道也無畢竟也無如何正當恁麼時四楞
塌地掇在諸人面前眼辨手親底一連連得
便能羅籠三界提拔四生其或不然自是你
諸人根性遲鈍且莫錯怪徑山好

上堂舉肇法師云諸法不異者豈曰續鳴藏

鶴夷獄盈壑然後爲無異者哉雲門大師道
長者天然長短者天然短又云是法住法位
世間相常住乃拈起拄杖云拄杖不是常住
法師遂拈起拄杖召大衆云剜出眼裏睛甚
麼處見肇法師不異底法敲出骨中髓甚麼
處見雲門大師常住底法擲下云分身兩處
看下座

上堂僧問我宗無語句實無一法與人時如
何師云五味饅秤鎋進云何故外揚家醜師
云你爲甚麼舌頭柱地進云却被和尚引著

師便打問乾峯示衆云舉一不得舉二放過
一著落在第二意旨如何師云駱駝尾上釣
冬瓜進云還許學人轉身吐氣也無師云許
你轉身你如何吐氣僧進前噓一聲師云這
弄泥團漢進云只如雲門道人從天台來却
徃徑山去又作麼生師云老鼠喫鹽進云恁
麼則知佗滋味師云速禮三拜乃云久雨不
曾晴豁然天地清祖師門下事何用更施呈
上堂舉僧問雲門如何是正法眼門云普又
僧問風穴如何是正法眼穴云瞎師云二尊

宿答一轉話還有優劣也無若道有優劣真
箇瞎若道無優劣真箇普畢竟如何雲在嶺
頭閑不徹水流澗底太忙生

張侍郎至上堂僧問大顛爲韓文公趁却首
座意旨如何師云鮎魚上竹竿一日一千里

進云學人未了乞師垂慈師云更要第二杓
惡水在進云只如首座也扣齒三下過在甚
麼處師云過在扣齒處進云莫謗佗首座好
師云你見箇甚麼道理便恁麼道進云誰知
遠煙浪別有好思量師云你莫謗徑山好進

云今日侍郎或問和尚春秋多少又且如何

師云向佗道百十二歲進云喚作謗徑山得
麼師云你又謗侍郎也乃云古人道我宗無
語句實無一法與人恁麼道早是通身浸在
屎窖裏了也那堪更蹋步向前如之若何問
向上向下三要三玄銀盆裏盛雪北斗裏藏
身意旨如何豈不是屎窖傍邊更掘屎窖雖
然如是若於屎窖中知些氣息方知三世諸
佛歷代祖師天下老和尚古往今來一切知
識盡在屎窖裏轉大法輪其或未然切忌向

來窖裏著到

上堂舉馬祖與西堂南泉百文中秋翫月次
祖指月云正當恁麼時如何西堂云正好修
行百丈云正好供養南泉拂袖便行祖云經
入藏禪歸海唯有普願獨超物外師云還知
四大老落處麼若也未知聽取一頌國清才
子貴家富小兒嬌大家出隻手彼此不相饒
對
上堂僧問具足凡夫法凡夫不知時如何師
云好箇消息進云具足聖人法聖人不會時
如何師云也好箇消息進云未審是甚麼消

息師云見人空解笑弄物不知名進云若不得流水還應過別山師云修山主來也問一人在孤峯頂上無出身之路時如何師云好箇消息進云和尚爲甚麼一向壁立萬仞師云你試向壁立萬仞處道一句看進云攬長河爲酥酪變大地作黃金師云且緩緩乃云一人在孤峯頂上無出身路一人在十字街頭亦無向背不是釋迦文亦非維摩詰若向這裏識得渠面目方識得修山主道具足凡夫法凡夫不知具足聖人法聖人不會聖人

若會即是凡夫凡夫若知即是聖人還有識得者麼若識得去凡夫聖人孤峯頂上十字街頭只在這裏若未識得放待冷來看

上堂舉僧問五祖師翁牛頭未見四祖時爲甚麼百鳥衝華獻祖云富與貴是人之所欲見後爲甚麼不衝華獻祖云貧與賤是人之所惡師云師翁恁麼答話雖則善起來機爭奈語驚時聽徑山亦有兩轉語要與師翁相見牛頭未見四祖時爲甚麼百鳥衝華獻茅屋上安鴟吻見後爲甚麼不衝華獻佛殿裏

掘東司

上堂僧問語默動靜總不干涉非語默動靜亦不干涉時如何師云自作自受進云直饒恁麼也不干涉第四師便打乃云佛與衆生本無異相只因迷悟遂有殊途雖曰殊途且迷時

此箇不曾迷悟時此箇不曾悟所以道譬如虛空體非羣相而不拒彼諸相發揮苟能如是見得方信道未離兜率已降王宮未出母胎度人已畢是真實語是不詐語若信得及受用無窮若信不及亦在裏許

上堂舉一不得舉二放過一著落在第二若是箇喫飯知飽飲水知渴底衲僧不消雲門出來打箇之遶既不許雲門打箇之遶只今還有喫飯知飽飲水知渴底麼直饒有也是黃龍精

上堂僧問空手把鋤頭步行騎水牛時如何師云鱗魚走入油甕裏進云將謂胡鬚赤更有赤鬚胡師云人從橋上過橋流水不流進云只如傳大士向魚行酒肆裏接人未審和尚向甚麼處接人師云向一切處接人進云

未審接得幾箇師云只你一箇漆桶不會乃
云空手把鋤頭飯裏有巴豆步行騎水牛蹴
著腳指頭人從橋上過賺殺多少人橋流水
不流却較些子若恁麼提得去方信道彌勒
九
真彌勒分身千百億時時示時人時人俱不

識拍禪牀下座

上堂僧問總不恁麼來時如何師云動容揚
古路不墮悄然機進云如斬一綵絲一斬一
切斷師云家富小兒嬌進云機輪轉處作者
猶迷師云機輪向甚麼處轉進云鷗鴟啼處

百華香師云引不著進云和尚向甚麼處見
普化師云普化在甚麼處教我見進云箭穿
紅日影方是射鵠人師云也則引不著乃云
箭穿紅日影方是射鵠人且道箭未離弦紅
日影邊還有這箇消息也無箭既離弦這箇
消息落在甚麼處若也知得落處一鏃破三
關分明箭後路其或未然且歸弩下避

上堂舉僧問芭蕉不落諸緣請師直指蕉云
有問有答師云芭蕉雖善用劔刃上事子細
檢點將來大似日中逃影辜負這僧今日或

有人問徑山不落諸緣請師直指只向佗道
猩猩雖能言畢竟是畜類

上堂僧問祖師心印狀似鐵牛之機則且置
只如九年面壁明甚麼邊事師云橫身當宇
宿誰是出頭人造云隻履西歸還端的也無
師云不端的進云也知和尚慣用此機師云
是僧便喝師亦喝乃云適來善修一喝驚天
動地徑山隨後一喝全無巴鼻若向無巴鼻
處會得便解將一條斷貫索穿却天下人鼻
孔若向驚天動地處承當自己鼻孔却被別

人將一條斷貫索穿却正當恁麼時如何免
得此過咄咄沒處去沒處去

上堂僧問舉一不得舉二放過一著落在第
二學人上來請師舉一師云六六依前三十
六進云未審還真實也無師云唯此一事實

說四

+

餘二則非真僧禮拜師乃云舉一不得舉二
放過一著落在第二只如鎮州蘿蔔頭未審
靈照籃中還著得也無若向這裏下得一轉
語昨日有人從天台來却往南嶽去若下不
得雪峯道底

上堂舉僧問六祖黃梅意旨甚麼人得祖云
會佛法人得僧云和尚還得否祖云我不得
僧云和尚爲甚麼不得祖云我不會佛法師
召大衆云還見祖師麼若也不見徑山爲你
指出蕉芭蕉芭有葉無丫忽然一陣狂風起
恰似東京大相國寺裏三十六院東廊下北
角頭王和尚破袈裟畢竟如何歸堂喫茶

向樹下答師云只爲你在樹下問進云謾得
大衆眼麼師云灼然謾不得進云只如樹子
未生消息未動香嚴向甚麼處得這箇話頭
來師云向你漆桶裏得來進云只如和尚道
喚作竹篦則觸不喚作竹篦則背還有爲人
處也無師云無進云恁麼則却成虛設師云
說四
虛設乃云如人上樹口銜樹枝手不攀枝脚
攀枝脚不蹋樹未審還有答話分也無師云
答話了也進云學人問樹上話和尚爲甚麼
便有箇傍不肯底喚作虎頭上座出衆云樹

上即不問樹下道將一句來師云險香嚴呵
呵大笑師云險徑山這兩險有一險如天普
蓋似地普擎有一險料掉沒交涉還有揀得
出者麼若揀得出非唯親見香嚴亦使虎頭
上座無安身立命處如無徑山將現成公案
爲你諸人下箇註脚喚作竹篦則觸不喚作

竹篦則背

上堂僧問教中道是真精進是名真法供養
如來狗子旣無佛性喚甚麼作真法師云只
這無佛性便是真法諸人還信得及麼若
信得及靈山一會儼然未散若信不及直待

當來問彌勒

上堂舉僧問趙州承聞和尚親見商泉是否
州云鎮州出大蘿蔔頭又僧問萬法歸一一
如來狗子旣無佛性喚甚麼作真法師云只
這無佛性便是真法進云據學人見處又且
雲居舜老夫道鎮州蘿蔔大青州布衫重要

不然師云你試杜撰看僧禮拜師云只這禮
拜便是杜撰乃云是真精進是名真法供養
如來狗子旣無佛性喚甚麼作真法山僧道
只這無佛性便是真法諸人還信得及麼若
信得及靈山一會儼然未散若信不及直待

會箇中意雞向五更啼師云雲居恁麼道大似熟處難忘若是徑山即不然鎮州蘿蔔從來大青州布衫斤兩明衲子聚頭求的旨却似蚊蠅咬鐵釘

上堂僧問仰山道神通游戲即不無尊者佛

武四

十二

法須還老僧始得未審佗據箇甚麼道理師

長者不是長短者不是短圓者不是圓方者
不是方既總不是却喚甚麼作法身喝一喝
云洎合停因長智

日却被和尚笑也師云揚聲止響作麼進云
神通游戲則不無尊者佛法須還徑山始得
師云還見徑山麼進云少賣弄師云有眼如

盲乃云神通游戲仰山灼然不會佛法要妙
羅漢灼然不知雖然彼此不相知要且各各
無欠少既無欠少長者長法身短者短法身
圓者圓法身方者方法身便恁麼悟去方知
長者不是長短者不是短圓者不是圓方者
不是方既總不是却喚甚麼作法身喝一喝
聖節上堂拈香罷忽雷震驟雨遂云震法雷
擊法鼓布慈雲号灑甘露即今法雷已震法
鼓已擊慈雲已布甘露已灑事上也合理上

也合事理既合且作麼生話會下座與大眾到大佛殿啓建乾龍聖節

上堂舉洞山問三峯菴主汝名甚麼主云道膺山云何不向上道主云若向上道則不名

說曰

十三

道膺洞山深肯之師云道膺向上道則不名

道膺既不名道膺喚作向上道則不可既不是向上道且作麼生契得洞山意良父云智者聊聞猛提取莫待須臾失却頭

雪竇持和尚至上堂僧問仰山道東寺師叔若在慧寂不受寂寞只如今日雪竇和尚得

得到來未審如何祇待師云古之今之進云若恁麼非唯徑山不受寂寞亦乃一千七百大眾有賴師云你見箇甚麼道理進云如兩鏡相照洞無瑕翳師云打破鏡來與你相見進云只如兩口一無舌即是吾宗旨又作麼商量師云抱橋柱漂洗把纜放船進云若是臨濟宗旨又作麼生師云合取狗口乃云仰山道東寺師叔若在慧寂不受寂寞仰山只知有已不知有人徑山即不然雪竇師叔若在天下衲僧不受寂寞何故不見古雪竇有

言寒未在搃弓全機可笑秋水橫按弓半提
可滅使八極頂目者不自爭衡見斯人弓駕
御昂柄

上堂今朝四月初一衲僧放下梆栗雖然不
許默照須要人人面壁既不許默照為甚麼
却須面壁不見白雲師翁有言多處添些子
少處減些子

浴佛上堂芭蕉無耳聞雷開葵華無眼隨日
轉釋迦老子亦無生每歲今朝浴一徧既無
生又浴箇甚麼有條攀條無條攀例

上堂僧問道無方所明之在人法離見聞斷
之在智不起一念還有佛法也無師云無佛
法進云為甚麼無佛法師云為你住在那
念中進云和尚向甚麼處見學人那一念師
云起也乃云不起一念未是諸人放身命處
說四
一念纔生如龍得水似虎靠山全體恁麼來
十四
全體如是住便恁麼領得去更買百二十韁
草鞭行脚始得為甚麼如此我王庫內無如
是刀

張侍郎請陞座僧問十方同聚會箇箇學無

爲此是選佛場心空及第歸時如何師云題目道甚麼進云分分在目前師云杜撰禪和如麻似粟進云爭奈一等共攀仙桂樹要折蟾宮第一枝師云這漢今日於白進云雖然如是今夏定作禪狀元便禮拜問侍郎見處何似去年師云今年去年只隔三百六十日進云莫謗侍郎好侍郎無這箇消息師云旣無這箇消息了因又亂道作甚麼進云借人口說一兩句又且何妨便禮拜師乃云借人口說得底不干自己事自己曾襟流出底傍

觀者有眼如盲有口如啞便恁麼領略得作禪狀元也不難直饒如是始入得徑山門未入得徑山室若入得徑山室禪狀元始用得著禪狀元纔用得著儒狀元便用不著敢問大衆前面爲甚麼用得著後面爲甚麼却用不著乃顧視左右云還知徑山落處麼若知徑山落處禪狀元即是儒狀元儒狀元即是禪狀元即今拈却禪與儒且道當面一句作麼生道要知死底張宣教便是活底狀元爺結夏上堂文殊三處安居誌公不是閑和尚欽四十五

迦葉欲行正令未免眼前見鬼且道徑山門

下今日事作麼生下座後大家觸禮三拜

上堂舉僧問雲門如何是透法身句門云北
斗裏藏身師云雲門老人恁麼道只答得法
身句未答得透法身句今日或有人問徑山
如何是透法身句即向佗道瞧瞑眼裏放夜
市大蟲舌上打鞦韆

上堂今朝又是端午節支殊善財忙不徹殺

人活人藥不靈自添腦後三斤鐵募拈拄杖
卓一下云觀音妙智力能救世間苦遂擲下

云是甚麼鐵蛇鑽入土

上堂舉馬祖令智藏馳書上當山國一祖師
祖師開緘見一圓相即時索筆於中點一點
南陽忠國師聞云欽師猶被馬師惑師云馬
師仲冬嚴寒國一孟夏漸熱雖然寒熱不同

彼此不失時節忠國師爲甚麼却道欽師猶
被馬師惑還委悉麼無風荷葉動決定有魚
行下座

上堂舉國師道語漸也逐常含道論頗也不
留朕迹雲門云拈撻豎拂彈指時節若檢點

將來也未是無聯迹。師喝一喝云寐語作甚麼。遂舉起拂子復彈指云徑山即今舉拂彈指若向這裏覓聯迹入地獄如箭射。

第四
上堂舉道吾示衆云高不在絕頂富不在福嚴樂不在天堂苦不在地獄相識滿天下知

十六

第五
心能幾人師云徑山即不然高在絕頂富在福嚴樂在天堂苦在地獄誰知席帽下元是

昔愁人

上堂舉睦州問秀才先輩治甚經才云治易州云易中道百姓日用而不知不知箇甚麼

四

音釋

窄堵波梵語也此云方
子六切
達敷角
闊也
趨墳窄蘇骨切
子六切
綻練結切
猶絞也
猩師庚切能
言獸也
𩫑於加切
與𩫑同
蹤於加切

才云不知其道州云作麼生是道才無語州云果然不知師云秀才雖然無語默契睦州只是少末後一著徑山當時若見睦州道果然不知但撫掌呵呵大笑管取睦州不相虧大慧普覺禪師住徑山能仁禪院語錄卷第